

началником и мира сего властелем стяжаний церковных и пастырских насильствовати, отимати или похищати по уставу святых отецъ и блаженных царей не достоинъ, и како пастырем спротивная творящим противляться словом и делом и мечем толико духовным, елико вещественным. Ныне же правым чином внизу писанных явити хотим подобники про все кеса||ри, цари и началники, толико в Ветхом, елико в Новом законе, како л. 521 об. и кою мукою праведне мучени суть, иже противу божии заповеди и святых отецъ устав и блаженных царей законов церковная стяжания, села и наследствиа отняти дерзнуша и действием взяша и к стяжанием и съкровищем своим приложиша.

И первые взыде на память писанное в Даниле, глава 4 и 5,^о еже Навходоносор, цар вавилонский, отнят и отнесе съсуды златыя и сребреныя от церкви яже бе в Иерусалиме, || и за сие съдеянное той царства своего лишен бысть, и от человек разделен бысть, и с скоты и зверми жилище его бысть, и траву яко телець ядыше.¹ Такжеже Антиох царь, наследник Александра Великаго, вниде с гордостью в святыя святых и взя престол златый и вся съсуды его, злато и сребро и вся съкровища церкви божии и отиде в землю свою, сего ради приобрете себе скорбь, тугу и смерть в земли чюжей в нищете велице, яко пишется в Макавейской первой книзе, глава 6. В Ветхом Завете цари || и мирьстии господя ни единая л. 522 об. власти в священницех и стяжаниих церковных имеша. Сего ради Ровоам погуби царство свое, понеже священников съвета не послуша, и царь Озия проказою поражден бысть, понеже чин священничъ себе похити. Такжеже Иоас, царь Израилев, приведе пленена Амаза, царя Иудова, и взят все злато и сребро и вся съсуды, яже обретошась в дому господни, и възвратися в Самарию, и за сие съделанное съкратишася дни его и погребен бысть с отцы своими, яко пишется в Чет||вертой книзе Царств, л. 523 глава 14. Такжеже съгреси Езекиа, царь Иудов,² егда введе послов вавилонских в хранилище ароматное и съкровища дому господня, сего ради прогневася на нь господь и рече ему Исаием пророком: Сиа глаголетъ господь — днии приидуть и отимутся вся сиа в Вавилон. Аще тако наказан бысть, иже токмо съкровища господне и церковное иноплемеником гордостью показа, како мучен будетъ, иже не боится отняти е, противу божии и пастыря своего заповеди? От предреченных словес разуметься, || л. 523 об. еже церкви и пастырем ея^о достоинъ имети съкровище, понеже соборище иудейское съкровище име, его же Езекиа царь предреченный послом царя вавилонского показа.

Такжеже Гай, римский кесарь, мысль на похищение обрати, ни единого человека оставляя человеческая и божественая себе приобретаая, сего ради праведным божим судом убиен бысть, с женою и чады, и вси останци рода его погибоша, в него же смерти время идол в Риме просяся, яко есть писано. Такжеже Нерон, римский || кесарь, по мнозе л. 524 мучительстве и по велице христианском гонении и граблении стяжаний церкви божии яко явный враг от старейшинства римскаго осужен бысть праведным божим судом, и избежа убог и странен от града Рима, и сам себя в отчаянии погуби. Такжеже Галла, римский кесарь, сребролюбством водим наступаше толико на своих подвластников, елико на христианская стяжания, противу всякая правды, сего ради попушением божественым от Оттона заклан бысть. Той же Оттон, || възприем кесарство также граблением, яко и Галла, церковь божию нудяше, сего ради попушением божественым сам ся уби. Такжеже Вителлий, римский

^о На поле Сие в начале 2-го видения.

^о В ркп. Иудоб. ^о На верхнем поле церкви.

² На поле В 5-м видении на конци.